


泰伯

論語徵集覽

八



7 8 9 60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 6 7

仁門
歸卷



論語徵集覽卷之八

宋

朱熹

集註

魏

藤維楨

古義

大日本

物茂卿

徵

從四位侍從源賴寬

輯

泰伯第八

子曰泰伯其可謂至德也已矣三以天下讓民無得而稱焉

古王肅曰泰伯周太王之長子次弟仲雍少弟季歷季歷賢又生聖子文王昌昌必有天下故泰伯

以天下三讓於王季其讓隱故無
得而稱言之者所以爲至德也
新泰伯周大王之長子至德謂德
之時商道寢衰而周日彊大季歷又生子昌有聖
德大王因有翦商之志而泰伯不從大王遂欲傳
位季歷以及昌泰伯知之卽與仲雍逃之荆蠻於
是大王乃立季歷傳國至昌而三分天下有其二
是爲文王文王崩子發立遂克商而有天下是爲
武王夫以泰伯之德當商周之際固足以朝諸侯
有天下矣乃棄不取而又泯其迹焉則其德之至
極爲何如哉蓋其心卽夷齊扣馬之心而事之難
處有甚焉者宜夫子之歎息而贊美之也泰伯不
從事見春秋傳

古義泰伯周大王之長子次弟仲雍少弟季歷季
歷賢又生聖子文王昌泰伯長而當立讓之不嗣

逃之荆蠻於是季歷立至文王天下諸侯日歸其
德武王遂克商而有天下號周三讓終遜也以天
下讓謂讓其國蓋因周有天下而追稱之也無得
而稱謂其德至極不得以言語稱之也○按泰伯
三讓之事諸儒之說紛然不一夫商周之事莫如
取證於聖經故今特據詩大雅皇矣篇爲斷觀其
言帝作邦作對自泰伯王季則知周至泰伯王季
而始強大矣觀言維此王季則友其兄則知王季
能事泰伯而得其歡心矣觀言載錫之光則知泰
伯能知王季之賢而讓之王季又能勤王業而不
辱泰伯之知矣觀言王此大邦則知以天下讓者
乃追稱之辭也蓋大王旣沒之後泰伯季歷兄第
高又有聖子而讓之季歷未定泰伯以季歷之功日
友愛同當國布治位號未定泰伯以季歷之功日
辱泰伯直讓之季歷而特言自泰伯王季可見矣
聖賢之心皆爲天下而不爲己也泰伯之讓季歷
竈益泰伯直讓之季歷而特言自泰伯王季可見矣
陰受其賜而不知實爲泰伯之
徵三以天下讓朱註三讓謂固遜非也聞謂三讓

本篇三年學
述而篇聞韶三
月
公冶長篇季文
子三思
季氏篇君子有
三畏
子張篇君子有
三變

左傳哀七年
王疾。泰伯因適吳越抹藥。大王歿而不返。季歷爲
喪主。一讓也。季歷赴之。不來奔喪。二讓也。免喪之
後。遂斷髮文身。三讓也。是以禮爲說。非後人所及。
必古來相傳之說。祗左傳。泰伯端委以治周禮。不
與此同。則亦難從焉。要之古書殘缺。不的指其事
可也。以天下讓者。言其讓爲天下故也。朱子以爲
讓天下。故其言曰。以泰伯之德。當商周之際。固足
以朝諸侯。有天下矣。夫周至文王。乃三分天下有

其二。泰伯之時。天下非周有。豈可以讓天下言哉。
太王之心。以文王有聖德。故欲傳位季歷。而泰伯
亦知文王之必能安天下也。故潛逃以讓之。以濟
其美。是其讓爲天下故也。凡論語稱至德者。二泰
伯以讓。文王以恭。稽諸書。贊堯以允恭克讓。則恭
讓爲德之至。而堯之讓舜爲天下故也。舜禹相承
道始立矣。益以見其讓之莫大焉。泰伯之讓。亦爲
天下故也。歷昌相承。文斯成矣。豈不其讓之亦莫
至焉哉。蓋讓而無益于人者。正潔身焉。非堯舜泰
伯之讓也。讓而濟天下者。克用其讓焉。是其所以

允恭克讓書堯
典

爲至德也。民無得而稱焉。固泰伯之所以成其讓然。苟其讓之小也。豈足爲至德哉。孔子言之者。人多不知三讓之事。故發之耳。豈必以泯迹爲至德乎。大氏宋儒無作用。專求諸心。所以不通也。又所謂泰伯之德。足有天下者。亦未知孔子所以稱至德之意。乃謂孔子旣稱至德。則其德當如是矣。殊不知孔子止以讓與恭。言之何則。曰。三以天下讓而已矣。曰。三分天下有其二而已矣。未嘗言其它焉。宋儒不信孔子之言。而求至德於言外。豈不謬哉。今按太王泰伯皆非文王之倫。書曰。大王肇基

書武成

詩魯頌閟宮
孟子梁惠王篇
日惟智者爲能
以小事大故大
王事獯鬻句踐
事吳

詩並見大雅皇
矣

王迹詩曰。實始翦商。孟子以爲智者。而以句踐比之。則周家克商之後。以文武周召之德。而殷頑民尚且不帖服者。以大王之所爲。有未慊於人意者故也。泰伯逃而蠻夷奉之爲君。其仁可知矣。則大王所以有仁人之名者。母乃以有泰伯之故乎。詩曰。維此王季。因心則友。則友其兄。又曰。維此王季。帝度其心。貊其德音。是王季恭謹之人。乃能埋德韜光。據孔叢子子思之言。王季當帝乙之世。爲西伯。據屈原天問。則文王尚作州牧。況王季乎。故鄭玄不從孔叢子。孟子又曰。武丁朝諸侯有天下。猶

孔叢子居衛篇

孟子公孫丑篇

孟子公孫丑上
齊大王。則德音必昌。周家必張。而不臣之迹成矣。
季歷嗣而後。韜晦承順。歛周家方張之勢。而傳諸
文王。以俟殷運之後。此泰伯之讓。所以成周家之
美也。蓋民之附泰伯。如蟻慕羶。泰伯之爲人。不能
自斂其羶。唯古人克自知。克自度。故泰伯自度其
材行。而不嗣大王。使王季嗣也。不然。父疾而不親
養。不視其死。不奔其喪。耳爲蠻夷之人。何其甚矣。
事吳
左傳僖五年
王季
泰伯不從。蓋必有其事矣。然不可知其所
不從者何事也。朱子以爲夷齊扣馬之心。是或有

似焉。然三代時稱諸侯爲君。其禮有不若秦漢後
君臣之分者矣。泰伯亦不身仕殷朝。唯爲周國世
子耳。夷齊扣馬之事。王氏旣辨之。且泰伯爲是。則
湯武爲非。其說終不可通也。仁齋先生據詩帝作
邦作對。自恭伯王季。而謂泰伯之逃不在大王之
時。而在王季之時。其言甚辨。然盡廢古書。以已心
說古之事。非妄而何。至於恭伯王季相並而治國。
則世豈有是事哉。世豈有是事哉。

子曰恭而無禮則勞慎而無禮則葸勇而無禮則亂
直而無禮則絞君子篤於親則民興於仁故舊不遺

則民不偷

古蕙畏懼之貌言慎而不以禮節之則常畏懼馬融曰絞絞刺也包氏曰興起也君能厚於親屬不化遺忘其故舊行之美者則民皆之弊君子謂在上之人也興起也偷薄也○張子者新蕙畏懼貌絞急切也無禮則無節文故有四者曰人道知所先後則恭不勞慎不蕙勇不亂直不絞民化而德厚矣○吳氏曰君子以下當自爲章乃曾子之言也愚按此一節與上文不相蒙而與首篇慎終追遠之意相類吳說近是故有四者之弊此章專言人之百行不可不以禮文制一器造一物莫不各有其法況天下之人剛柔進退有萬不同苟不有法以律之則過者益過不及者益不及此道之所以不明不行也人之於禮發其猶規矩準繩乎蓋恭慎者柔之德勇直者剛之發皆人之善行也然不禮以裁之則恭而至勞慎

而至蕙勇而至亂直而至絞其弊有不可勝言者矣故孔子常以禮爲人之規矩準繩而使人以此爲準大而經國御世近而修身齊家皆莫不以從事於禮焉後世之學亦雖以禮爲言而其說過高專求于己心至於以心爲法其亦乖夫子之旨矣興起也偷薄也此章舊連上章今從朱氏別爲一章陳氏櫟曰親親仁也上仁則下興仁不遺故舊厚也上厚則下歸厚上行下效也○以德爲政則澤淺矣故古先聖王治天下之道在德不在法所然其以保數百年宗社而不衰也後世非無英君碩輔治聖賢之論治體皆以德不以法者爲此故也

荀子議兵篇

赤蛟篇漢書禮樂志

然常恐天下之一合而共軋已赤蛟篇曰靈櫛櫛左思恐天下之一合而共軋已赤蛟篇曰靈櫛櫛左思

魏都賦曰。臨焦原而弗悅。誰勁捷而無懼。言城雉高峻。使人莫敢近也。王延壽魯靈光殿賦曰。魂悚悚其驚斯。心懼懼以發悸。註言殿堂北入而西廂東序。深邃不測。見者悚驚也。是蕙。懼。鯀。謁皆通。絞。馬融曰。絞。絞刺也。邢昺曰。絞刺人之非。左傳昭元年。叔孫絞而婉註。絞切也。韓詩外傳曰。堂衣若叩孔子之門曰。丘在乎。子貢曰。子何言吾師名。堂衣若曰。子何言之絞。子貢曰。大車不絞。則不成其任。琴瑟不絞。則不成其音。子之言絞。是以絞之也。朱子曰。絞急切也。按何朱非殊。蓋絞者。謂責讓人。

之非毫無假借也。朱子又曰。無禮則無節文。故有四者之弊。張子曰。人道知所先後。則恭不勞。慎不葸。勇不亂。直不絞。是或以禮爲節文。或爲先後之序。皆僅言其一端者已。恭慎勇直。是人之性。禮者所以養人之德性也。任其性。不以禮養之。必有勞葸亂絞之疾也。君子篤於親以下。吳氏謂當自爲一章。是矣。又曰。曾子之言也。何以知其非孔子之言。可謂妄矣。興起也。未是。興有興盛意。民興於仁。謂民之仁行興盛也。

曾子有疾。召門弟子曰。啓予足。啓予手。詩云。戰戰兢

兢如臨深淵如履薄冰而今而後吾知免夫小子

古鄭玄曰啓開也曾子以爲受身體於父母不敢毀傷故使弟子開衾而視之也孔安國曰言此詩者喻已常戒慎恐有所毀傷周生烈曰乃今日後我自知免於患難矣小子弟子也呼之者欲使聽其識其言

新啓開也曾子平日以爲身體受於父母不敢傷故於此使弟子開其衾而視之詩小旻之篇戰戰恐懼兢兢戒謹臨淵恐墜履冰恐陷也曾子以其所保之全示門人而言其所以保之之難如此以至於將死而後知其得免於毀傷也小子門人也語畢而又呼之以致反復丁寧之意其警之也深矣○程子曰君子曰終小人曰死君子保其身以沒爲終其事也故曾子以全歸爲免矣尹氏曰父母全而生之子全而歸之曾子臨終而啓手足爲是故也非有得於道能如是乎范氏曰身體猶不可虧也況齧其親乎

古義啓開也曾子以爲身體髮膚受之父母不敢毀傷故當其疾病之時使弟子開衾而視之也詩小旻之篇戰戰恐懼貌兢兢戒謹意臨淵恐墜履冰恐陷也曾子以其所保之全示門人而言其所保之全而生之子全而歸之曾子臨終而啓手足爲以保之之難如此言至於將死而後知其得免於毀傷也小子門人也語畢而又呼之以致丁寧之意曾子之學以孝爲主忠信爲本其奉持身體不敢毀傷者蓋以孝弟忠信之實施之身體也夫孝莫大於愛親知愛親而後得能體其心能體其心而後知能愛其身父母之於子也幼則有湯火之慮壯則有倚門之望無一日不恤其有虧傷也曾子能以父母之心爲心故終身奉持遺體戒謹其至極而道德蔑以加也

徵鄭玄曰啓開也曾子以爲受身體於父母不敢毀傷故使弟子開衾而視之也此引孝經之文然孝經本謂免於刑戮也身謂剗與宮體謂刖髮謂

故曰並見孝經
首章

孔子謂南容公
冶長篇
子思贊孔子中
庸言

髡膚謂墨。故身體髮膚四字。指五刑而言之。古之道以免於刑戮爲先。故曰身體髮膚。受之父母。不敢毀傷。孝之始也。以見用於世爲難。故曰立身行道。揚名後世。以顯父母。孝之終也。孔子謂南容曰。邦有道。不廢。邦無道。免於刑戮。子思贊孔子而曰。國有道。其言足以興。國無道。其默足以容。是其言皆足相發。又觀春秋時。諸侯大夫之言。每以獲全首領。終於牖下爲幸矣。古時議論皆爾。後世士君子。驚桀自高。志氣如狂。乃以此等言爲卑不足行也。吾知免夫之免。亦謂免於刑戮也。論語中免字。

戴記祭義
皆然。曾子在無道之世。故以此爲幸焉。若以保護身體爲說。其說終有不可通者。學者察諸。戴記載樂正子春之事。近迂矣。亦必有所爲而發也。

曾子有疾。孟敬子問之。曾子言曰。鳥之將死。其鳴也哀。人之將死。其言也善。君子所貴乎。道者三。動容貌。斯遠暴慢矣。正顏色。斯近信矣。出辭氣。斯遠鄙倍矣。遷豆之事。則有司存。

古馬融曰。孟敬子魯大夫仲孫捷。包氏曰。欲戒敬子。言我將死。言善可用。鄭玄曰。此道謂禮也。動容貌能濟。踰踰則人不敢欺詐。之出辭氣能順。而說之則無嚴栗。則人不敢欺詐。惡戾之言入於耳。包氏曰。敬子忽大務小。故又戒之。以此遷豆禮器。本末皆當。與其

新孟敬子魯大夫仲孫氏名捷問之者問其疾也。言自言也。鳥畏死故鳴哀人窮反本故言善此曾子之謙辭欲敬子知其所言之善而識之也。貴重也。容貌舉一身而言暴粗厲也。慢放肆也。信實也。正顏色而近信則非色莊也。辭言語氣聲氣也。鄙凡陋也。倍與背同謂背理也。謹竹豆言道雖無所不在然君子所重者在此三事而已是皆脩身之要爲政之本學者所當操存省察而不是可有造次顛沛之違者也。若夫謹豆之事器數之末道之全體固無不該然其分則有司之守而非周旋中禮暴慢斯遠矣。正顏色則不妄斯近信矣。君子之所重矣。○程子曰：動容貌舉一身而言也。故曰謹豆之事則有司存尹氏曰：養於中則見於外。曾子蓋以脩己爲政之本。若乃器用事物之細則有司存焉。

古義

孟敬子魯大夫仲孫捷來問其疾。鳥獸愛生而無義故其將死鳴必哀人之將死氣消欲息故

其言必善。曾子欲敬子知其所言之善而識之故先以此告之。暴粗厲也。慢放肆也。信實也。辭言語氣聲氣也。鄙凡陋也。倍與背同謂背理也。謹竹豆豆木豆言君子之於道無所不得然其最可貴者有此三事。動容貌則欲其遠暴慢也。正顏色則欲其近信實也。出辭氣則欲其遠鄙倍也。若夫至於器數之末則自有司職守之所存而非君子之先務也。欲敬子以是三者爲務而修德也。此章與恭近於禮遠恥辱之意同。蓋君子其養於中者篤故其見於外者自如此。非若常人之用力持守而遂不得。敬子之諱也。捷死得謚敬。豈有得於曾子之言歟。

徵

鳥之將死其鳴也哀。二句必是時謚朱子謂曾

子之謙辭非矣。君子所貴乎道者三以下。曾子語聘會之事也是在春秋時。爲卿大夫重務何者。周道衰。禮樂征伐不自天子出而在方伯。則諸侯之相與。非聘會則兵車也。安其國於是危其國亦於

篇 孔子答衛靈公

是孟敬子亦知其如此而學禮於曾子。然徒留意於籩豆之末。而不知其所重。故曾子語之以是。如孔子答衛靈公俎豆之事。亦謂聘會焉。後儒不知古言。故其於二章。一如癡人說夢。可謂憒憒已。鄭玄曰。此道謂禮也。動容貌能濟濟。踰矩則人不敢暴慢之。正顏色能矜莊嚴栗。則人不敢欺詐之。出詞氣能順而說之。則無惡戾之言入於耳。此古來相傳之說。不可易矣。道有君子所貴者。有有司所貴者。故曰所貴乎道者三。暴害也。暴慢者。人害之。人慢之也。信者。人信之也。鄙倍者。人鄙之背之也。

發氣盈容儀禮
聘禮記
盛氣顛實禮記
王藻

出辭氣氣者。如發氣盈容。盛氣顛實。揚休玉色。朱註。暴慢信鄙倍。皆以己言之。而曰脩身之要爲政之本。可謂不知辭義者已。且解信爲實。大失古義。且容貌之失。豈翅暴慢。言語之失。豈翅鄙倍。且籩豆非爲政之具。豈容以爲政之末解之。不可從矣。曾子曰。以能問於不能。以多問於寡。有若無實。若虛犯而不校。昔者吾友嘗從事於斯矣。

古包氏曰。校報也。言見侵犯。不報馬融曰。友謂顏淵。新校計校也。友馬氏以爲顏淵是也。顏子之心。唯知義理之無窮。不見物我之有間。故能如此。○謝氏曰。不知有餘在己。不足在人。不必得焉。在己失爲在人。非幾於無我者。不能也。

古義能不能以學之所造而言多寡以學之所得而言校計校也。吾友指當時孔門之諸賢也。益孔門以此五者爲學問之條目故曰從事於斯矣。學者必識孔門之風而後可以爲孔門之學。苟不識孔門之風則必不能得其門庭所謂孔門之風者何以能問於不能以多問於寡有若無實若虛犯而不校是也。爲學者多不知自省有一分工夫便有一分勝心。有兩分工夫便有兩分勝心。驕吝之念愈進愈牢故曰人之患在好爲人之師學道者先除其勝心而後聖賢之學可得而言也。

徵以多問於寡。多者多聞也。寡者寡聞也有無以能言。實虛以學言。是皆好學之事也。包咸曰。校報也。朱子曰。校計校也。朱子爲是。馬融曰。友謂顏淵。朱子從之。仁齋先生曰。吾友指當時孔門諸賢也。蓋孔門以此五者爲學問之條目故曰從事於斯。

此其意謂以此爲顏子事。則人絕企望之念。其意甚善。然吾友二字似有所指。祗未知其的爲顏子耳。按家語以爲曾子之行。曾子言此。則曾子之從事於斯亦可見已。然此五句非五事。豈學問之條目哉。

曾子曰。可以託六尺之孤。可以寄百里之命。臨大節而不可奪也。君子人與君子人也。

古孔安國曰。六尺之孤。幼少之君。孔安國曰。攝君之政。令大節。安國家定社稷。奪不可傾奪。新其才可以輔幼君。攝國政。其節至於死生之際而不可奪。可謂君子矣。與疑辭也。決辭設爲問答。所以深著其必然也。程子曰。節操如是可謂君子矣。

家語弟子行曰。滿而不盈。實而不虛。過之如不及。曾參之行也。

古義六尺之孤謂幼少之君謂攝君之政令謂持危扶顛始終不變與疑辭也決辭此言當大任治大衆非忠信而有才者不能蓋忠信而無才則幹旋不足何以濟事有才而不忠信則衆心不服必至敗事故必忠信且有才而後可以爲君子矣○袁氏黃曰輔長君不難託孤爲難執國政不難攝政爲難託孤寄命不難臨大節而不負其寄託之重最爲難此非才節所能辨也唯有德者能之故斷其爲君子也

徵孔安國曰六尺之孤幼少之君邢昺曰鄭玄註此云六尺之孤年十五已下言已下者正謂十四已下亦可寄託非謂六尺可通十四已下鄭知六尺年十五者以周禮鄉大夫職云國中自七尺以及六十野自六尺以及六十有五皆征之以其國

中七尺爲二十對六十野云六尺對六十五晚校五年明知六尺與七尺早校五年故以六尺爲十五也茂卿按以七尺爲中人之度周一尺當今曲尺七寸二分則七尺當五尺四分六尺當四尺三寸二分也升庵引韓詩外傳國中二十行役則疏之所言信矣可以寄百里之命孔安國曰攝君之政令臨大節而不可奪也何晏曰大節安國家定社稷奪不可傾奪朱子曰其節至於死生之際而不可奪是何晏以事言朱子以其人節操言蓋節者謂禮義之大限也節操在我豈容言臨乎禮義

在外故曰臨禮義之大限所指亦廣然先王之道安天下之道也故安國家定社稷爲大節何晏雖陋儒亦生於宋儒未出之世故其言有作用者如此朱子以死生之際言之可謂所見止其身已朱子又曰與疑辭也決辭設爲問答所以深著其必然也本於邢昺是韓柳已後文法豈可以解古文辭乎君子人與君子人也反復言之所以贊之仲尼燕居曰子貢越席而對曰敢問夔其窮與子曰古之人與古之人也達於禮而不達於樂謂之素達於樂而不達於禮謂之偏夫夔達於樂而不達於禮是以傳於此名也古之人也朱子豈不謬乎曾子曰士不可以不弘毅任重而道遠仁以爲己任不亦重乎死而後已不亦遠乎

古包氏曰弘大也毅強而能斷也士弘毅然後能死而後已

遠莫遠焉

新弘寬廣也毅強忍也非弘不能勝其重非毅無以致其遠仁者人心之全德而必欲以身體而力行之可謂重矣一息尚存此志不容少懈可謂遠矣○程子曰弘而不毅則無規矩而難立毅而不弘則隘陋而無以居之又曰弘毅然後能勝重任而遠到仁之爲德大矣以此爲己任故曰重也弘毅者以無此量則不能任重致遠也德福乎四以仁爲任終身不廢故曰遠也士之所以必貴乎

海仁也。澤及乎昆蟲仁也。教被乎萬世仁也。救患弭難亦仁也。以此爲任不亦重乎。一息尚存能持此志而不可失焉。不亦遠乎。故士不可以不弘毅者。蓋貴其素養也。

徵 古者學而爲士。故凡言士者。誨學者之言也。非謂士當爾而大夫否也。弘大也。謂規模宏遠也。毅勇也。謂強有力也。仁以安天下。可謂重任。故非規模宏遠者不能焉。負重任而致遠死而後已者。亦謂非死不舍重任也。故非強有力者不能焉。朱子曰。仁者人心之全德。自其家言。程子曰。弘而不毅。則無規矩而難立。不知何言。

子曰興於詩立於禮成於樂

古包氏曰。興起也。言修身當先學詩。包氏曰。禮者所以立身。包氏曰。樂所以成性。新興起也。詩本性情有邪有正。其爲言既易知而吟詠之間。抑揚反覆其感人又易入故學者之初所以能卓然自立而不爲事物之所搖奪者必於此而得之。禮以恭敬辭遜爲本而有節文度數之詳。可以因人肌膚之會筋骸之束。故學者之中所以能卓然自立而不爲事物之所搖奪者必於此而得之。樂有五聲十二律。更唱迭和以爲歌舞八音之節。可以養人之性情而蕩滌其邪穢。消融其八音之節。可以養人之性情而蕩滌其邪穢。消融其八十歲學幼儀十三學樂。誦詩二十而後學禮。則於道德者必於此而得之。是以至於義精仁熟而自和順者。必於此而得之。是學之成也。○按內則三十歲學幼儀十三學樂。誦詩二十而後學禮。則三者非小學傳授之次。乃大學終身所得之難易。先後淺深也。程子曰。天下之英才不爲少矣。特以道學不明。故不得有所成就。夫古人之詩。如今之易興歌曲。雖閭里童稚皆習聞之。而知其說故能興起。今雖老師宿儒。尚不能曉其義。况學者乎。是不得以興於詩也。古人自洒掃應對。以至冠婚喪祭。莫不得有禮。今皆廢壞。是以人倫不明。治家無法。是不得不

立於禮也。古人之樂聲音所以養其耳采色所以養其目歌詠所以養其性情舞蹈所以養其血脉。故今皆無之。是不得成於樂也。是以古之成材也易。今之成材也難。

古義

興起

也詩出於人情而其美刺亦足以感人

故可以興禮人之隄防足以定其心志故可以立

樂以養人之性情而自和順於道德故可以成此明學問得力功效之次第亦孔門學問之條目也。言學不可以強爲得於詩則善心興起其進無窮故以興於詩先之德不可以自成莊敬持守以禮自修則德日立而不可搖動故曰立於禮道不可以小成浹洽融液其心和樂則道大成而不可遏止故曰成於樂得詩之理則知道之在邇而可樂故有所興起得禮樂之理則知其不可斯須去身論曰禮家專主禮樂之功而不知禮樂之本出於仁義先儒曰古之成材也易今之成材也難其說益出於禮家而非聖賢所以論禮樂之旨也夫子曰禮云禮云玉帛云乎哉樂云樂云鐘鼓云乎哉孟子曰仁之實事親是也義之實從兄是也禮之容節奏其末也聖人之教人皆專以其本而不取其末學者苟得其理則其末者雖未必與古人合然亦不遠矣

徵興

止訓

起包咸之陋也。朱子以起其好善惡惡之心解之。是理學者流所見。不越是非二者。可謂

不知詩已。可謂不知學已。興如興於仁興於孝弟之興。皆謂有所鼓舞而振興於衆也。先王之教詩不學則民仕以從政。故子路曰。何必讀書然後爲書禮樂。書爲學者本業。何者。書道政事。學而爲士。子路曰先進篇

易繫辭

學而其所載皆先王大訓。奉以爲萬世法。其言正大。其義闊深。必以詩與禮樂爲輔。博學無方。而後可以睹先王之心。故易大傳曰。書不盡言。言不盡意。然則聖人之意。其不可見乎。是孔子所以屢言詩與禮樂而不及書之故也。興於詩云者。詩之爲言。人情世態。莫所不包。瑣細纖悉。婉而不直。其言初不可以爲訓。又不可以爲戒。而人各以其意取義。義類無常。展轉不窮。又以諷詠發之。使人不知覺。故必學詩而後有所鼓舞。觸類以長意見。益廣。新知紛生。乃能有所振起於衆人之中。斐然

成章。過此以往。庶可以成其材德也。立於禮云者。凡上自朝廷宗廟。下至鄉黨朋友。外則聘會軍旅。蒐狩。內則閨門之中。以至言語容貌之間。器服制度之際。先王皆立之禮。以爲德之則。執而守之。習之之久。人皆有以立於道而不可移奪也。成於樂云者。樂亦德之則矣。禮以制之。樂以養之。禮以其敬。樂以其和。故樂者自驩欣悅豫之心導之者也。禮尚有所操。必有所知。至於樂之鼓動以養之。則有不知其然者焉。養之則樂。樂則油然以生。養之於其不知不覺之間。莫周焉。故人之成於道。必於

是焉。故興者興於道也。立者立於道也。成者成於道也。言人之學道。詩禮與樂所以教者。其殊如此也。朱子曰。禮以恭敬辭遜爲本。而有節文度數之詳。可以固人肌膚之會筋骸之束。是亦宋儒所見主獨善。不知道德之分。故言禮者專在曲禮。而遺經禮也。又曰。蕩滌其邪穢。消融其渣滓。是其變化氣質之說已。殊不知古之成於道者。大者大成。小者小成。皆各以其材成焉。豈必變化其氣質哉。學者察諸。陳氏崇禎至崇禎即大相呼。卒然子曰民可使由之不可使知之

古由用也可使用而不可使知者百姓能日用而不能知新民可使之由於是理之當然而不能使之知其所以然也。○程子曰。聖人設教非不欲人家喻而戶曉也。然不能使之知但能使之由之爾。若曰聖人不使民知則是後世朝四暮三之術也。豈聖人之心乎。

古義此言治民之道當爲之建學設教使莫自吾陶冶之中若欲使彼知恩之出于己則不可矣孟子曰。霸者之民驩虞如也。王者之民皞皞如也。殺之而不怨。利之而不庸。民日遷善而不知爲之者。蓋可使由而不可使知王者之心也。欲王者而其使者知之。霸者之心也。此王霸之所以分歟。

微人之知有至焉。有不至焉。雖聖人不能強之。故能使民由其教。而不能使民知其所以教也。自然之勢矣。至其俊秀。則使學以知之。亦唯禮樂不言。

故曰述而篇

又曰同

以行與事示之而已。故其知之也。自知之也。故曰。默而識之。又曰。不憤不啟。不悱不發。舉一隅。不以三隅反。則不復也。自孟子以雄辯聰之人。而後斯義亡焉。後世儒者之師。專務講說。說之益詳。而其惑益深。皆不自知之故也。夫人之性殊。知愚不得而一之矣。苟以使知爲教。則天下有不被其化者。可謂小已。仁齋先生昧乎可字之義曰。不使彼知恩之出于己。可謂坦坦聖言。忽生疙瘩。

子曰好勇疾貧亂也人而不仁疾之已甚亂也

古包氏曰好勇之人而患疾已貧賤者必將爲亂。包氏曰疾惡太甚亦使其爲亂。

新好勇而不安分則必作亂。惡不仁之人而使之無所容則必致亂。二者之心善惡雖殊然其生亂則一也。生亂則一皆不可不戒。

徵

好勇疾貧者已爲亂也。人而不仁疾之已甚者。

使人爲亂也。雖已不爲亂猶之已爲亂故均之曰亂也。則聖人之思遠矣哉。後儒短見。豈能及之乎。子曰如有周公之才之美使驕且吝其餘不足觀也已

古孔安國曰周公者周公旦

新才美謂智能技藝之美。驕矜夸吝鄙嗇也。○程子曰：此甚言驕吝之不可也。蓋有周公之德，則自無驕吝。若但有周公之才而驕吝焉，亦不足觀矣。又曰：驕氣盈吝氣歉愚。謂驕吝雖有盈歉之殊，然其勢常相因。蓋驕者吝之技葉，吝者驕之本根。故嘗驗之天下之人，未有驕而不吝，吝而不驕者也。

古義朱氏曰：才美謂智能技藝之美。驕矜夸吝嗇也。此專戒驕吝之害也。蓋驕則有自滿之意，吝則無爲人之意。騎則德不進，吝則道不弘。如是之人雖有他美，而不足觀之。觀其曰：有周公之才，之美不足觀也。則聖人惡驕吝之甚，可見矣。

徵驕且吝。無德者也。苟無其德，則才美豈足觀哉。蓋驕則失君子，吝則失小人。故驕且吝，所以失人心也。治天下以得人心爲先。故孔子云爾。傳稱周公吐哺，與此章之義正相發耳。宋儒不知聖人之

周公吐哺史記
魯世家

孔子時有周公
見左傳

子曰三年學不至於穀不易得也

古孔安國曰：穀善也。言人三歲學不至於善，不可得言必無也。所以勸人學。○新穀祿也。至疑當作志。爲學之久而不求祿如此之人，不易得也。○楊氏曰：雖子張之賢，猶以干祿爲問，况其下者乎？然則三年學而不至於穀，宜不易得也。

古義穀祿也。志小者其得則小，志大者其成必大。爲學之久而志不至於祿，必不爲汨汨於流俗而終其身。聖人所以嘉尚之也。

徵三年讀謂學三年也。學不至於穀，句學屬上者

邦有道穀憲問
篇

非也。至者謂學而成材也。穀祿也不曰祿而曰穀。
如邦有道穀皆謂祿之薄者。蓋廩俸也。學三年。而
其所學未成可祿之才。是志大而學博者也。故曰
不易得也。學記曰。君子知至學之難易而知其美
惡。可以徵已。孔安國訓穀爲善。朱子至爲志皆非。
子曰篤信好學守死善道危邦不入亂邦不居天下
有道則見無道則隱邦有道貧且賤焉恥也邦無道
富且貴焉恥也。

古包氏曰。言行當常。然危邦不入。始欲往亂邦不
居。今欲去亂。謂臣弑君子弑父。危者將亂之兆。
新篤厚而力也。不篤信則不能好學。然篤信而不
好學。則所信或非其正。不守死則不能以善其道。

然守死而不足以善其道。則亦徒死而已。蓋守死
者篤信之效。善道者好學之功。君子見危授命。則
仕危。邦者無可去之義。在外則不入。可也。亂邦未
危。而刑政紀綱紊矣。故潔其身而去之。天下舉
世而言無道。則隱其身而不見也。此惟篤信好學
守死。善道者能之。世治而無可行之道。世亂而無
能守之節。碌碌庸人。不足以爲上矣。可恥之甚也。
○晁氏曰。有學有守而去就之義。潔出處之分明。
然後爲君子之全德也。

古義篤信而好學。則學必成。守死而善道。則道必
達。危者將亂之兆。亂則臣弑君子弑父。危邦不入。
擇其地也。亂邦不居。避其害也。亂重於危。故危邦
在外者不可入也。若亂邦則仕者猶不可居。况在
外。未仕者乎。治世而貧賤。則無可行之道。亂世而
富貴。則無自守之節。皆可恥之甚也。此章與首篇
君子不重。則不威。章同例。蓋門人綴輯夫子平日
格言。以爲一章而傳誦之也。夫學者所以求造夫
道也。故好學以致知。善道以無闕。則終身之事業
備矣。而出處隱見之分。富貴貧賤之道。則道之淺

深德之大小繫焉
故君子尤重之

徵篤信好學。守死善道。古言一也。危邦不入。亂邦

不居。古言二也。天下有道則見。無道則隱。古言三也。孔子引古言者三。以証邦有道之貧賤。邦無道之富貴。皆可恥也。守死善道者。守死於善與道也。雖非先王之道。亦有善者。故曰善道。邢疏如謂道之善者。然道豈有不善。朱註以善其道解之。是如莊子庖丁善刀之善。六經未之有。故皆不可從矣。本言篤信好學。則能守死於善與道。而孔子引之。唯取下句。朱子連不入不居見與隱。皆爲篤信好

莊子養生主

學之效。非也。世雖非篤信好學之人。亦有能不入不居見與隱者。豈可拘乎。故曰古言而孔子引之。唯取下句耳。守死者。謂守死而弗去也。從善與道。則死。否則生。於是乎君子守死而弗去也。仁齋先生以爲終身之義。可謂不知字義已。危邦者。將亡之邦也。何註。危者將亂之兆。非也。亂邦。謂臣弑君。子弑父。豈翅是哉。朱註。亂邦未危而刑政紀綱紊矣。亦豈翅是哉。蓋二者皆亂邦也。朱子乃不取何義者。必據胡氏輩春秋之義。而謂臣弑君子弑父。人皆得討。不當輒去。然其勢有不得討者。豈可一

胡氏春秋之義
見憲問篇陳成
子弑簡公章集
註

槩論哉。朱子曰。天下舉一世而言。是矣。朱子又以篤信與好學分屬死與善道。是自其家伎倆。古書所無。不可從矣。

子曰不在其位不謀其政

古孔安國曰。欲各專一於其職。

新程子曰。不在其位。則不任其事也。若君大夫問而告者。則有矣。

古義人各有其分。而不能自盡。必好越位。犯官于

預其政。故夫子言此。以爲戒。○輔氏廣曰。不在其位。而謀其政。不義而不可爲也。

問而不以告。不仁而不可爲也。

徵不在其位。不謀其政。謀者有所營爲也。營爲其施設之方。非在其位者所不爲。亦所不能也。是必

有其事焉。不啻論其理也。辟如登浮屠。愈高則所見愈廣矣。故不在其位而謀其政也。必有昧乎事而誤焉者也。且身不任而輒言之。非所以敬天也。自宋而後儒者。昧乎此章之義。故經濟之說盛。而天下愈不可治。悲哉。

子曰師摯之始關雎之亂洋洋乎盈耳哉

古鄭玄曰。師摯魯太師之名。始猶首也。周道既衰。微鄭衛之音。作正樂廢而失節。魯太師摯識關雎之聲。而首理其亂者。洋洋盈耳。聽而美之。

新師摯魯樂師名摯也。亂樂之卒章也。史記曰。關雎之亂。以爲風始。洋洋美盛。意孔子自衛反魯。而正樂通。師摯在官之初。故樂之美盛如此。

古義 師摯魯樂師名摯也。始指未適齊之前。關雎說見前。亂樂之卒章也。洋洋美盛意言今。則人去樂涇洋洋之音不可復聞矣。夫子之歎其思深矣。關雎成周之雅樂其詩言后妃之德其聲樂而不淫哀而不傷。乃三百篇之首篇而合于中和之德使聽者自得性情之正樂之最至美者也。而師摯魯之妙工當其初年爲夫子奏之故夫子歎之如此。

徵 鄭玄曰。師摯魯大師之名。始猶首也。周道衰微。鄭衛之音作。正樂廢而失節。魯大師摯識關雎之聲。而首理其亂者。洋洋盈耳。聽而美之。殊爲不通。朱註。亂樂之卒章也。以師摯之始爲在官之初。按始初義殊。朱子混之誤矣。且孔子美其在官之初。則豈末年耄廢邪。其以亂爲樂之卒章者。以賦卒

有亂也。殊不知亂可歌而賦不可歌。亂乃賦卒章已。安得爲樂之卒章乎。按詩大序。關雎。麟趾。鵲巢。騶虞。是謂四始。說者不知古文辭。或以爲關雎鹿鳴。文王清廟。或以爲大明四牡。嘉魚。鳴雁。皆非矣。史記曰。關雎之亂。以爲風始。益稷曰。予欲聞六律。五聲八音。在治忽。史記作來始滑。漢書房中歌曰。七始華始。肅倡和聲。是始與亂。皆樂中名目。今樂有亂聲。可以見已。蓋言師摯之奏四始也。其關雎之亂最盛美也。鄭朱昏失之。

子曰。狂而不直。侗而不愿。慄慄而不信。吾不知之矣。

古孔安國曰。狂者進取宜直。孔安國曰。洞未成器之人。宜謹。愿包氏曰。慄慄慄也。宜可信。孔安國曰。言皆與常度。反我不知之。

新洞無知貌。愿謹厚也。慄慄無能貌。吾不知之者甚絕。之辭亦不屑之教誨也。○蘇氏曰。天之生物氣質不齊。其中材以下有是德。則有是病。有是病必有是德。故馬之蹄齧者。必善走。其不善者。必馴有是病而無是德。則天下之棄才也。

古義狂者意高而無檢束之謂。洞無知貌。愿謹厚也。慄慄無能貌。吾不知之者甚絕。之辭。此言意高者不事矜飾。宜直矣。無知者有所畏憚。宜愿矣。無能者不解作爲。宜信矣。而今皆不然。則是棄牙也。雖聖人不知所以教之。人其可不知所恥哉。

徵孔安國曰。狂者進取宜直。洞未成器之人。宜謹。愿包咸曰。慄慄慄也。宜可信。朱註。洞無知貌。慄慄

揚子法言學行篇
莊子山木

無能貌。書顧命。在後之洞敬。迓天威。嗣守文武大訓。孔安國訓。擇揚子法言。倥侗顓蒙。莊子洞乎其無識。皆童蒙之義。故註未成器之人。朱子訓。無知亦是矣。而慄慄訓無能。是其意謂。洞慄似無差別。故以無知與無能二之。可謂無據矣。慄慄慄也。慄謂。愿朴無文。禮器。七介以相見也。不然則已。慄。吾從弓。殷既封而弔。周反哭而弔。孔子曰。殷已慄。吾從鄙野人。故與狂洞並言。狂者有大志而不拘常度。若多詐則一妄男子。不可得而教之矣。童蒙無知。

而不謹。愿鄙野無文。而不信師。皆不可得而教之矣。吾不知之矣者。謂不可教也。孔子以教人自任。故曰不知之矣。孔安國曰。言皆與常度反。我不知之。朱註不知之者。甚絕之之辭。皆非矣。是皆性劣者。其何罪而孔子絕之哉。朱子引蘓氏之言。誠確論也。然不言其以教人自任。亦失之矣。又按博雅曰。惶惶誠也。亦與訓慤同義。

子曰學如不及猶恐失之

古學自外入至熟乃可

長久如不及猶恐失之

新言人之爲學既如有所不及矣。而其心猶疎然惟恐其或失之也。○程子曰。學如

不及猶恐失之。不得放過
纔說姑待明日便不可也

古義

言爲學者其用心當若追亡者之恐不能及而竟失之也。夫人不知學則已苟知學之爲美而懈怠不勤則是無勇也。故非智不進

徵

學如不及猶恐失之。何晏曰。學自外入至熟乃可長久。如不及猶恐失之。是非學也。習也。朱子曰。言人之爲學。既如有所不及矣。而其心猶疎然惟恐其或失之。是以誠意正心爲學也。失云者。謂失時與人也。日月逝矣。歲不我與。豈不惜乎。良晤一散。邈如河山。豈不惜乎。

子曰巍巍乎舜禹之有天下也而不與焉

古義巍巍高大之貌不與樂也。下而得之巍巍高大之稱。新巍巍高大之貌不與樂言。不相關言其不以位爲樂也。

徵何晏曰。美舜禹也。言已不與求天下而得之。巍巍高大之稱。是帶求字而與字之義始見。可謂謬矣。朱子曰。不與猶言不相關。言其不以位爲樂也。

是本孟子。乃其意謂聖人之心。渾然天理。故不以位爲樂。果其說之是乎。聖人皆爾。何特舜禹哉。且以心而論聖人。非孔門之意焉。且不與不相關殊義。不與云者。謂忘己之有天下也。不相關云者。謂己自己。天下自天下。不相關涉也。仁齋先生而訓如。與讀上聲。曰。雖見與。猶不與。也是本孟子。然殊不成文義。蓋舜禹之所以不與有天下者。以堯故也。舜禹皆纘堯而成堯之道。故忘己之有天下。而猶謂堯之天下焉。是其所以巍巍然高大也。堯舜禹禪讓之義。自孟子而不明。故此章及下章註家。

本孟子詳于離
婁萬章篇稱論
舜禹仁齋所
本同此

皆失之。

子曰大哉堯之爲君也巍巍乎唯天爲大唯堯則之蕩蕩乎民無能名焉巍巍乎其有成功也煥乎其有

文章

古孔安國曰則法也美堯能法天而行化包氏曰蕩蕩廣遠之稱言其布德廣遠民無能識其名焉

功

成化

隆高大

巍巍

煥明

也

其立文

垂制

又著

明

新唯猶獨也則猶準也蕩蕩廣遠之稱也言物之高大莫有過於天者而獨堯之德能與之準故其德之廣遠亦如天之不可以言語形容也成事業也煥光明之貌文章禮樂法度也堯之德不可名其可見者此爾○尹氏曰天道之大無爲而成唯堯則之以治天下故民無得而名焉所可名者其功業文章巍然煥然而已

古義朱氏曰則猶準也蕩蕩廣遠之稱也言物之高大莫有過於天者而獨堯之德能與之準故其德之廣遠亦如天之不可以言語形容也朱氏曰成功事業也煥光明之貌文章禮樂法度也堯之德不可名其可見者此爾言民涵育於堯之德化而不知其德化之所以然猶人在於天地之中而不知天地之所以爲大也故曰民無能名焉唯其所見者功業文章巍然煥然而已達巷黨人徒見孔子之大而其所稱謂纔在於博學而無所成名是以益知孔子之德之大矣是堯孔之所以爲大聖也

徵

巍巍乎稱堯也

非稱天也

唯天爲大

唯堯則之

故曰巍巍乎。朱註言物之高大莫有過於天者而獨堯之德能與之準是高大二字貼巍巍乎非矣巍巍本以山言之豈可以贊天邪。孔安國曰則法

大全饒雙峰引
易與天地準補
朱註意

也。美堯能法天而行化。朱子曰。則猶準也。是其意謂人君皆法天而堯大聖人也。不可以法天言。故引易與天地準。而言堯與天齊也。理學者流以渾然天理立說。以爲聖人胸中別有天。故諱言法天耳。其究歸於佛氏三界唯一心。豈古聖人敬天畏天之意乎。堯典所載。唯有欽若昊天。是堯則天之事也。又曰。欽明文思。夫在天曰文。在地曰理。文者天之道也。謂禮樂也。堯思所以安天下萬世。非禮樂不可也。禮樂俟其人而後興。堯雖生知。不能獨作。故舉舜而讓焉。是所謂文思也。故書頌舜而曰大禹謨。

書語並見舜典

文明禹而曰文。命敷于四海。是禮樂俟舜而興。俟禹而治。舜而曰協于帝。禹而曰承于帝。帝皆謂堯也。舜禹皆成堯之道。故孔子曰。有天下也而不與焉。堯之思。苞舜育禹。故孔子曰。大哉堯之爲君也。稱其大者。獨堯而已矣。是之謂則天。蕩蕩乎民無能名焉。朱註。其德之廣遠。亦如天之不可以言語形容也。非矣。乃謂允恭克讓也。其見於堯典者。咨四岳而用鯀。恭也。登庸虞舜。讓也。不自賢。不自能。民唯見舜禹之功。故曰民無能名焉。巍巍乎其有成功也。煥乎其有文章。上有也字。下無也字。言其

允恭克讓書堯

所以有成功者。乃以文章也。文章者禮樂也。苟非禮樂。則成功不能若是其巍巍也。是堯之思也。且禮樂之功。不期然而然。亦民之所以無能名也。朱註謂其可見者此爾。非矣。尹氏以功業文章並言。亦非矣。夫成功禹已。文章舜已。使堯無文思。何稱堯哉。蓋自開闢以來。至於堯而後道立矣。伏羲神農黃帝之所以爲聖也。其所爲不過於利用厚生之事已。及堯時。利用厚生之道大備。而正德未興也。堯之思。其在茲乎。正德之教。至於禮樂而極焉。繹舜典之文。其昉茲乎。堯之有文思。故不與之子。

利用厚生及正
德三事據書大
禹謨

而傳之賢。以使成其思焉。舜續堯之思而其功未成。故又不與之子而傳之賢。以使成堯之思焉。至禹而成。則傳之予。故堯舜所以官天下者。以道爲己任也。故道至堯舜而立焉。仲尼之所祖述。刪書斷自唐虞。而二典三謨。總命之曰夏書。皆爲是故也。殷因夏禮。周因殷禮。三代聖人。皆不外堯之思。是又堯之所以獨稱其大邪。

舜有臣五人。而天下治。武王曰。予有亂臣十人。孔子曰。才難不其然乎。唐虞之際。於斯爲盛。有婦人焉。九人而已。三分天下。有其二。以服事殷。周德其可謂至

仲尼祖述堯舜
據中庸
二典三謨總命
夏書據左傳

德也已矣

古孔安國曰禹稷契臯陶伯益馬融曰亂治也治官者十人謂周公旦召公奭太公望畢公榮公太顛閼夭散宜生南宮适其一人謂文母孔安國曰唐者堯號虞者舜號際者堯舜交會之間斯此也言堯舜交會之間比於周周最盛多賢才然尚有一婦人其餘九人而已人才難得豈不然乎包氏曰殷紂淫亂文王爲西伯而有聖德天下歸周者三分有二而猶以服事殷故謂之至德

新五人禹稷契臯陶伯益書泰誓之辭馬氏曰亂治也十人謂周公旦召公奭太公望畢公榮公太顛閼夭散宜生南宮适其一人謂文母劉侍讀以爲子無臣母之義蓋邑姜也九人治外邑姜治內或曰亂本作亂古治字也稱孔子者上係武王君臣之際記者謹之才難益古語而孔子然之也才者德之用也唐虞堯舜有天下之號際交會之間言周室人才之多惟唐虞之際乃盛於此降自夏商皆不能及然猶但有此數人爾是才之難得也春秋傳曰文王率商之畔國以事紂蓋天下歸文

王者六州荆梁雍豫徐揚也惟青兗冀尚屬紂耳范氏曰文王之德足以代商天與之人歸之乃不取而服事焉所以爲至德也孔子因武王之言而及文王之德旦與泰伯皆以至德稱之其旨微矣或曰宜斷三分以下別以孔子曰起之而自爲一章

古義五人禹稷契臯陶伯益亂治也十人謂周公旦召公奭太公望畢公榮公太顛閼夭散宜生南宮适其一人益邑姜也才難益古語而孔子然之夏商獨周爲盛雖有亂臣十人之稱然其間有婦人則亦不能正十人故孔子嘆才之難也三分天下降有其二先儒謂有荆梁雍豫徐揚六州而唯青兗冀三州屬紂周之德通文王及武王未伐商之敢有誅伐之心及其惡稔虐極不得已而後伐之未然非其本心故曰至德也此言堯舜文武之道德事業萬世之法程也蓋夫子博稽於古先聖王而獨稱唐虞與周其亦祖述堯舜憲章文武之意猶歟夫唐虞之德如天之高遠不可名狀文武之心猶歟

天之至公不容少私不然夫子奚以與堯舜併論而祖述憲章之哉且其寄心于五臣十亂則雖聖人之治亦必資賢佐以成其功可從而知矣○按三分天下有其二春秋傳云文王率商之叛國以事紂然孟子曰文王百年而崩猶未洽於天下武王周公繼之然後大行則知文王之時恐未至於有天下三分之二也且上文引武王之言而繼之曰周之德則其通文武二王而言明矣諸儒專斥文王者蓋臆說也

徵舜有臣五人孔安國曰禹稷契臯陶伯益武王曰予有亂臣十人馬融曰亂治也治官者十人謂周公旦召公奭太公望畢公榮公太顚閔夭散宜生南宮适其一人謂文母朱註劉敞以爲子無臣母之義蓋邑姜也九人治外邑姜治內或曰亂本

作亂古治字也按亂治也釋詁文虞書九德亦有亂而敬作亂之說未可從矣但清汙爲汙轉去聲豈亂本上聲訓治轉去聲邪馬融謂治官者十人朱子謂治內治外皆非矣蓋謂戡亂之才故下文曰才難唐虞之際於斯爲盛孔安國曰唐者堯號虞者舜號際者堯舜交會之間斯此也言堯舜交會之間比於周周最盛多賢才然尚有一婦人其餘九人而已人才難得豈不然乎朱子曰言周室人才之多惟唐虞之際乃盛於此降自夏商皆不能及然猶但有此數人爾是才之難得也按孔子

之言。本以人數爲說。則不容言五人盛於十人焉。且朱子翻顛作解。謂爲盛於斯。未見丈例。不可從矣。孔安國添比字最字。亦未是。蓋言唐虞之際。至此而後爲盛也。三分天下有其二。以服事殷。左傳曰。文王率商之畔國以事紂。朱註。蓋天下歸文王者六州。荆梁雍豫徐揚也。惟青兗冀尚屬紂耳。此說本於鄭玄。亦以意言爾。豈可的指某某邪。周之德。包咸朱子皆謂指文王。仁齋先生獨以爲通指武王。未克商以前。朱子曰。孔子因武王之言而及文王之德。且與泰伯皆以至德稱之。其旨微矣。是

孟子盡心篇

武未盡善八佾

篇

後世儒者。不知前聖後聖其揆一也。誤解孟子性之身之。孔子武未盡善。强生優劣耳。孔子不曰文王之德而曰周之德。豈外武王哉。仁齋先生爲是。然三分天下有其二。以服事殷。文王以此終其身。是自文王之事。武王別有克商之事。則古來不以此稱武王。故此章以爲稱文王。亦可矣。武王繼其志。述其事。則言文王而武王自在其中。豈可生差別乎。且必謂通指武王未克商之前。則克商之後。豈非至德邪。是仁齋先生特爲未圓矣。蓋泰伯者讓也。周之德恭也。堯典贊堯以允恭克讓。是德雖

多乎。唯恭與讓爲最盛。泰伯文王極恭讓之至。故稱至德。豈有意於君臣之義哉。湯武之事。亦唐虞官天下之心也。儒者滔滔。悲哉。按左傳。叔孫穆子亦曰。武王有亂十人。無臣字。予聞諸先大夫。吾邦明經家講論語者。皆除臣字不讀。蓋文母不可爲臣。故臣爲衍文。

子曰禹吾無間然矣。非飲食而致孝乎。鬼神惡衣服而致美乎。敝冕卑宮室而盡力乎溝洫。禹吾無間然矣。

孟子篇

古孔安國曰。孔子推禹功德之盛。美言已不能復

間。廁其間。馬融曰。非薄也。致孝鬼神祭祀。豐潔孔

書益贊

安國曰。損其常服以盛祭服。包氏曰。方里爲井。井間有溝。溝廣深四尺。十里爲成。成間有洫。洫廣深八尺。

父母具祿文吉
人不聞其言
閑于家章武紙

新間罅隙也。謂指其罅隙而非議之也。非薄也。致孝鬼神。謂享祀。豐潔衣服常服。蔽蔽膝也。以韋爲之冕冠也。皆祭服也。溝洫田間水道。以正疆界。備旱潦者也。或豐或儉。各適其宜。所以無罅隙之可議也。故再言以深美之。○揚氏曰。薄於自奉。而所勤者民之事。所致飾者宗廟朝廷之禮。所謂有天

下而不與也。夫

何間然之有

古義朱氏曰。間罅隙也。謂指其罅隙而非議之也。非薄也。致孝乎鬼神。謂享祀。豐潔蔽蔽膝也。以韋爲之冕冠也。謂損其常服以盛朝服。溝洫田間水道。以正疆界。備旱潦者也。儉德之所以聚也。禮由此而興焉。民賴此而庇焉。禹薄於自奉。而慎祭祀。敦朝禮勤民事。此其所以能致數百年之太平也。然可間哉。

徵禹吾無間然矣。孔安國曰。孔子推禹功德之盛

美。言已不能復間。廁其間。非矣。孔子之於古聖人。深尊而敬之。豈墜間廁其間哉。且以間廁解。未見文例也。朱子曰。間罅隙也。謂指其罅隙而非議之。閔子騫章先進篇人不問於其父母昆弟之言。

也是與閔子騫章字義相同。爲是。菲飲食而致孝乎鬼神。馬融曰。菲薄也。致孝鬼神。祭祀豐潔惡衣。服而致美乎黻冕。孔安國曰。損其常服。以盛祭服。

楊龜山曰。所致節者。宗廟朝廷之禮。是以黻冕爲朝服。皆通。然致美乎黻冕者。奉古聖人之道也。書

曰。予欲觀古人之象。日月星辰山龍華蟲作會。宗

書益稷

彝藻火粉米黼黻絲繡。以五采彰施于五色作服。汝明是也。卑宮室。考工記曰。殷人堂崇三尺。周人堂崇一筵。鄭玄註。周堂高九尺。殷三尺。則夏一尺矣。相參之數。禹卑宮室。謂此一尺之堂與。大氐此章孔子贊禹所主在恭儉。恭儉帝王之盛德故也。而致孝乎鬼神。言敬祖先也。致美乎黻冕。言敬聖人也。盡力乎溝洫。言敬民也。敬此三者。則先王之道盡矣。此孔子所以無間然也。後世儒者不知先王之道。故於此章之言。有所未悉其底蘊。學者察諸溝洫。包咸曰。方里爲井。井間有溝。溝廣深四尺。

十里爲成。成間有洫。洫廣深八尺。邢昺曰。案考工記。匠人爲溝洫。耜廣五寸。二耜爲耦。一耦之伐。廣尺深尺。謂之畊。田首倍之。廣二尺。深二尺。謂之遂。九夫爲井。井間廣四尺。深四尺。謂之溝。方十里爲成。成間廣八尺。深八尺。謂之洫。方百里爲同。同間廣二尋。深二仞。謂之澗。鄭注云。此畿內采地之制。九夫爲井。井者方一里。九夫所治之田也。采地制井田。異於鄉遂及公邑。三夫爲屋。屋具也。一井之中。三屋九夫。三三相具。以出賦稅。其治溝也。方十里爲成。成中容一甸。甸方八里。出田稅。緣邊一里。

治洫。方百里爲同。同中容四都六十四成。方八十里出田稅。緣邊十里治澗。是溝洫之法也。以今尺求之。五寸爲三寸六分。一尺爲七寸二分。二尺爲一尺四寸四分。四尺爲二尺八寸八分。八尺爲五尺七寸六分。二尋爲一丈一尺五寸二分。一里爲三百步。則二百四十丈爲今百七十二丈八尺。乃四町四十八間也。十里爲今千七百二十八丈。乃一里十二町也。百里爲今萬七千二百八十丈。乃十三里十二町也。八里爲今千三百八十二丈四尺。乃一里二町二十四間也。八十里爲今萬三千。

八百二十四丈乃十里二十四町也。

參今卷三十

十三里半二町八里爲今行三百八十丈四
六里十二町百里爲今萬一千二百八十丈
四相四十个間也十里爲今行一百八十丈
三百步限二百四十丈爲今百十步二丈八尺
八寸七分二釐爲一丈二尺五寸二分一釐爲
七尺四寸四分四又四分二毫八寸八分八毫五
朱砂丘高三十六分一尺八寸十二分二毫五
里出田舎縣數十里或會長轄縣文武縣以爲
論語徵集覽卷之八 終 中容四錄

終

中容四錄

